

四庫全書

集部

欽定四庫全書

集部

石倉歷代詩選卷二百三十一至三

詳校官庶吉士臣范逢恩
侍讀臣孫球覆勘

總校官進士臣朱

齡

校對官中書臣葉

蘭

謄錄監生臣宋

煒

欽定四庫全書

石倉歷代詩選卷一百三十一

明 曹學佺 編

元詩一

元好問

登龜山作

千年箕山桐蘿逕深以悄桂樹不復見蒙密餘秋條盤盤盡絕頂石冢平木杪長風萬里來筋骸覺輕矯側身

望巖竇解衣憇林表是時春夏交野色亂青縹川光乍
明滅地脉互縈繞岡巒蟻垤出井邑蜂衙擾紅塵洛陽
昏白雲太行曉元功信冥漠一覽疑可了悟彼東山人
胸中魯宣小

穎亭留別

故人重分攜臨流駐歸駕乾坤展清眺萬景若相借北
風三日雪太素秉元化九山巒崢嶸了不受陵跨寒波
淡淡起白鳥悠悠下懷歸人自急物態本閒暇壺觴負

吟嘯塵土足悲咤迴首亭中人平林澹如畫

隱亭

春物已清美客懷自幽獨危亭一徘徊翛然若新沐宿
雲淡野川元氣浮草木微茫盡楚尾平遠疑杜曲生平
遠遊賦吟諷心自足竭來着世網抑抑就邊幅人生要
適情無榮復何辱乾坤入望眼容我謝羈束一笑白鷗
前春波動新綠

雜著三首

稟氣寡所偕衣食固無端所業在農桑甘以辭華軒田
家豈不苦歲功聊可觀帶月荷鋤歸徘徊丘隴間曠曠
遠人村紛紛飛鳥還養真衡茅下庶無異患干達謝荷
篠翁躬耕非所歎

守拙歸田園淹留自無成長吟掩柴門遂與塵事冥素
月出東嶺夜景湛虛明揮杯勸孤影杯盡壺自傾遑遑
望白雲千載有深情

榮叟老帶索原生納敝屨邈哉此前脩久而道彌著人

生少至百每懷足憂慮量力守故轍餘榮何足顧棲遲
固多娛幾人得其趣

送欽叔內翰并寄劉達卿郎中白文舉編脩

六月渡盟津十月行汜水風濤脫沈舟冰雪危墮指孝
子在中野永念負甘旨家貧親已老形瘵心欲死古稱
季路孝負米曾百里顧作鯉與鯀寧當怨頹尾君歸不
可緩獻壽迫歲始遙知慈母心已為烏鵲喜

龍潭

層冰積浩蕩陵谷互吞吐竊窺轉幽壑突兀開淨宇回
頭山水縣亦復墮塵土孤雲鐵梁北宇宙一仰俯風景
初不殊川塗或脩阻寒潭海眼淨黯黑自終古蟄龍何
年卧萬國待零雨誰能裂蒼崖雷風視掀舉

龍門雜詩

石樓繞清伊塵土天所限人言無僧久草滿不復剗灘
聲激悲壯山意出高蹇當年香山老掛冠遂忘返高情
留詩軸清詰入禪版誰言海山去蕭散仍在眼溪寒不

可涉倚杖西林晚

虞卿麻長官成趣園

蹉跎匡山遊爛漫彭澤酒慨然千載上懷我生平友夫
君負奇節劍氣鬱星斗為吏非所堪徑去如避走王官
唐代還寂寞蓋已久柴車君來隱清風動林藪至今溪
上詩往往在人口淵明不可作此士寧復有

鶴雀崖北龍潭

層崖閟頑陰水木深以阻湍聲半空落淘淘如怒虎風

生木葉脫魄動不敢語何年渾沌竅靈物此棲處初從
一綫溜開鑿到神禹雲雷鼓飛浪噴薄齊萬弩藏珠驪
龍領百斛快一吐油油入無底細散不濡縷歸藏海有
穴沈溢愁下土南峰天一柱萬石鎮幽府江山有奇探
落景迫行旅多勉茹芝人終年看飛雨

五松平

竹港晨露白石門秋氣寒湍流落澗壑細路深茅菅江
平白石出竟日沿清灣四顧不見人山鳥時間關蒼崖

入地底烟靄青漫漫力盡不能過却坐空長歎青天白
雲間可望不可攀虛名竟何得行路乃爾難

曉發石門渡湍水道中

疎星澹秋明陰霞絢朝映積雨成坐愁晨光動幽興石
門歸馭引湍浦漁舟竝曠蕩萬景新歸藏四山靜平湖
風漪綠遠岸秋沙淨洋洋遊魚逝汎汎輕鷗泳隱顯乖
夙心感寓見真性倦遊徒自悼違已將安竟憂端從中
來茫茫發孤詠

黃公廟

羈客無恒居六月走長路清風黃公祠地古欣所遇劖
飛素靈哭龍躍雲雨赴堂堂文成君談笑取帝傳功名
要有命陰相知何預誰謂圯上人異事驚竹素河清不
可俟筋力疲世故袖間一編書塵埃歎遲暮

岳祠齋宮夜宿

煌煌德寧宮望秩年祠永唐來幾焚蕩規制仍峻整龍
旛嚴黼座金刷散光炯嶽拜行自周偉觀竊欣幸青紅

留壠壁兵衛自馳騁木杪見龜趺雄筆映鐘鼎中和昔
喪亂已溺寧再拯有雁來門公赤手探虎鯁經營入惄
淡灑落出鋒穎山鑒竟自推神鑒益彪炳青山閱人代
今古一吹頃摩挲盤根槐甲子誰記省揭來石門道煙
岫接雲嶺霄漢瞻上階濃碧挿秋影青林雨聲集懸瀑
激奔猛森然心魄動冰雪淒以緊飄颻想儂袂飛下玉
蓮井昨夢知是非復此造真境妙香淨餘習灝氣發新
警鶴書來何遲素髮迫垂領元壇展衰步似欲逐幽屏

高柯月紛紛裴回惜清景

贈鶯

隣牆擁高樹深樾蔭衡宇山禽千百種晨夕所棲處獨愛黃栗留姪婉如稚女笑啼俱不定宛轉工媚嫋佐窺凝欲下轉盼忽驚舉花暗柳陰陰尚記兒時語詩家此尤物名字喧樂府天真累絲竹客服仍楚楚宮額畫眉潤黛黑林金縷恨不掌上看毛羽得細數山城無與樂好鳥亦求侶時將貫珠來有唱當和汝

別李周卿

行路澀千棘。單車望千山。歌君歸雲曲。清涕留餘潛。
六年河朔州。動輒得謗訕。惟君篤高義。日來欵柴關。
古交松柏心。今交桃李顏。古人去不返。古道挽不還。
相思一樽酒。幽恨寄山間。

九日讀書山中

行帳適南下。居人跼庭戶。城中望青山。一水不易渡。
今朝川涂靜。偶得展衰步。蕩蕩如脫囚。拘廣莫開四顧半生。

無根著筋力疲世故大似丁令威歸來歎墟墓鄉閭喪
亂久觸目異平素粉榆雖尚存歲晏多霜露

其二

今日復何日霜氣倏已淒登高有佳招山中古招提翩
翩劉公子玉田重相攜乾坤動詩興澗壑忘舉躋霍侯
家甚貧劣有酒與雞城居厭鼙鼓移家此幽棲世網不
易逃所向皆塵泥何以濯我纓林間有清溪

其三

山腰抱佛刹十里望家園亦有野人居層崖映柴門昔
我東巖君曾此避塵喧林泉留杖履歲月歸琴樽翁今
為飛仙過眼幾寒暄蒼蒼池上柳青衫見諸孫疎燈照
茅屋新月入頽垣依依覽陳迹惻愴不能言

梨花海棠

梨花如靜女寂莫出春暮春工惜天真玉頰洗風露素
月澹相映蕭然見風度恨無塵外人為續雪香向孤芳
忌太潔莫遣凡卉妬

妍花紅粉粧
意態工媚嫵
窈窕春風前
霞衣欲輕舉
金槃渺華屋
國艷徒自許
依依如意脉
脉不得語
詩人太冷落
愁絕殘春雨

賦邢州鵲山

去時唐山道
望望鵲山背
今朝西北看
奇秀益可愛
蒼茫失層疊
鮮駿見縈帶
浮雲自來去
盡巧寧變壞
吳粧入小筆
隱隱拂殘黛
城隅靜女人
擁翫如有待

少林

雲林入清深禪房坐蕭奧澄泉潔餘習高鳥喚長往我
無元豹姿漫有紫霞想回首山中雲靈芝日應長

陽翟道中

長路伶俜裏羈懷莽蒼中千山分落照萬籟入秋風頻
見參旗縮虛傳朔幕空故園歸未得細問北來鴻

月觀追和鄧州相公席上韻

月觀知名舊池亭發興偏露涼驚夜鶴風細咽秋蟬綠
泛兵厨酒紅依幕府蓮無緣逐清景空羨飲中仙

送登封張令西上

罷縣人稱屈悠悠復此行渭城秋雁到秦嶺暮雲平道
路衣從典風塵劍已鳴山西多俠客莫說是書生

方城道中懷山中幽居

枝拙違時用年飢與食謀江山貧士歎日月賈胡留楚
客頻招隱文園故倦遊衡門足幽事還我北窓秋

送曹吉甫兼及通甫

意氣羨君豪憐君屈騎曹安能事筆硯且復混弓刀風

雪貂裘暗關山馬骨高南飛見鴻雁應為惜哀勞

落魄

落魄宜多病艱危更百憂雨聲孤館夜草色故園秋行
行魚頰尾歸期烏白頭中州遂南北殘息付悠悠

陽泉棲雲道院

方外復方外翛然心迹清開窗納山影推枕得溪聲川
路遠誰到石田平可耕霜林不嫌客留看錦嶂巒

并州聞雁

八月并州雁清汾照旅羣一聲驚晚笛數點入秋雲滅
沒樓中見哀勞枕畔聞南來復北去無計得隨君

甲寅十二月四日出鎮陽寄宰魯伯

滹水曉光動灞橋詩境同衝寒騎瘦馬認影識衰翁長
嘶風聲外孤城雪意中回頭歌笑處淒絕意何窮

讀書山月夕

層崖多古木細路深莓苔柴門開曉日雲際青山來靜
中有真趣孤賞何悠哉

西園

西園老樹搖清秋
畫船載酒方華遊
登山臨水祛煩憂
物色無端生暮愁
百年此地旃車發
易水迢迢雁行沒
梁門回望繡成堆
滿面黃沙哭燕月
熒熒一炬殊可憐
膏血更變為灰烟
富貴已經春夢後
死刑猶見靖康前
當時三山初奏功
三山宮闈雲錦重
璧月瓊枝春色裏
畫欄桂樹雨聲中秋
山秋水今猶昔
漠漠荒煙送斜日
銅人擕出露槃來
人生無情淚沾臆
麗川亭上看年芳

更為清歌盡此觴千古是非同一笑寧湏作賦擬阿房

送張君美往南中

南朝辭臣北朝客棲遲零落無顏色陽平城邊握手君子
不似銅驅洛陽陌去年春風吹雁迴今年雁逐秋風來
春風秋風雁聲裏行人日暮心悠哉長江大浪金山下
吳兒舟船疾于馬西湖十月賞風煙想得新詩更瀟灑

過晉陽故城書事

惠遠祠前晉溪水翠葉銀花清見底水上西山如卧屏

鬱鬱蒼蒼三百里中原北門形勢雄
想見城闕雲煙中
望川亭上閱今古但有麥浪搖春風
君不見繫舟山頭
龍角禿白塔一摧城覆沒薛王出降民
不降屋瓦亂飛
如箭鏃汾流決入大夏門府治移著唐
明村只從巨屏
失光彩河洛幾度風煙昏東闕蒼龍西
玉虎金省觚稜
上雲雨不論民居與官府仙佛所廬餘
百所鬼役天財
千萬古爭教一炬成焦土至今父老哭
向天死恨河南
往來苦南人鬼巫好機祥萬夫畚鍤開
連岡官街十字

改丁字釘破并州渠亦亡幾時却到承平了重看官家
築晉陽

雲巖

觀州倅武伯英崞縣人少日舉進士有詩名其賦剪
燭刀有啼殘瘦玉蘭心吐蹴落春紅燕尾香之句甚
為時輩所稱家故饒財第宅園亭為河東之冠貯書
有萬卷樓嘉花珍果悉自他州移植為人多伎巧山
水雜畫斷琴和墨皆極其工嘗得宣和湖石一竅竊

穿漏殆若神劙鬼鑿炷香其下則煙氣四起散布檠
水上濃澹霏拂有煙江疊嶂之韻吾鄉衣冠家法書
名畫及藏書之多亦有伯英相上下者伯英獨恃寶
石以擅奇汾晉間耳興定末伯英歿于闕中楊戶部
叔玉購石得之壬辰圍城中以示余且命作詩危急
存亡之際不暇及也乙巳冬十一月來東平過聖與
張君之新軒而此石在焉聖與名之曰雲巖余問石
所從來聖與言夏津王帥得之汴梁泥塗中而以見

貽余因歎一物之微經歷世變遷徙南北乃復為
好事者之所寶玩似不偶然乃為詩道其故聖與
三世相家以文章名海內其才情風調不減前世
賀東山晏叔原故卒章以蕭閑明秀峰故事屬之
壺中九華玉扇顏紫烟著水徃復還小窗虛明澹相對
不數漢宮銅博山會稽禹穴深無底寶石偷來定山鬼
一堆寒碧殊不凡滿谷春雲更堪喜阿欣秀發見眉宇
小杜才情淪骨髓摩挲不作几上看繚白紝青便千里

渾沌日鑿餘空嵌漏天蒸濕饒風嵐世外元無種香國
海南真有補陀巖觀州愛玩頻渝祓民部平生幾薰沐
藏舟夜壑未厭深竟作新軒坐中物一天星月入金樽
翠射婢婢自有人只欠宣和鄭先覺為君留寫五湖真

鹿泉新居

土門西邊井陘渡野日荒荒下汀樹榆闊石嶺都幾程
客夢往往迷歸路塵埃風雨半生過儘着筋骸支世故
寧州假館又兩年未保東來不西去山城百家家有山

觀面呈山誰一顧賣書買得呂氏園不謂全山舉相付
圮崖老作土灰色擁腫形模一夸父娟娟正有小娥喟
却立不容親杖屢就中抱犢尤峭拔望見韓山即攀附
韓王砦頭四望闊全趙米如纔數聚眼中麾蓋天上来
泜水鼓旗紛偃仆漢家威靈萬萬古石子連岡猶虎距
夏秋衆壑會鹿泉浩浩湍聲瀉餘怒西南諸峰不知數
蕩海鯤鯤尻背露霏烟空翠有無中百態陰晴變朝暮
靈巖龍泉曾一到獨欠封龍展衰步學仙不愛徐童花

李相書龕心所慕生平懷抱向山盡老氣崔嵬如有助
巖居枯寂朝市喧喧寂兩間差有趣得行固願留不惡
流坎且當隨所遇何曾萬錢寧用許方丈有山容下筋
管城初無食肉相黃帽非供折腰具明年高築野史亭
天已安排看山處多慙不及謝宣城標出敬亭天一柱

汎舟大明湖待杜子不至

長白山前繡江水展放荷花三十里看山水底山更佳
一堆蒼煙收不起山從陽正西來青一灣天公擲下半

王環大明湖上一杯酒昨日繡江眉睫間晚涼一棹東
城渡水暗荷深若無路江妃不惜水芝香狼籍秋風與
秋露蘭襟鬱鬱散芳澤羅襪盈盈見微步晚晴一賦畫
不成枉着風標誇白鷺我時驟鸞追散仙但見金支翠
蕤相後先眼花耳熱不稱意高唱吳歌叩兩舷喚取樊
川搖醉筆風流聊與付他年

食榆莢

露葵滑寒羊蕨羶春榆作莢絕可憐榆令人暝何暇計

田舍年例湏濃煎簫聲吹暖賣餳天家人鑽火分青煙
長鈎矮藍走童稚頃刻綠萍堆滿前炊飯雲子白剪韭
青玉圓一杯香美薦新味何必烹龍炮鳳誇肥鮮鼠肝
蟲臂萬化途神奇腐朽相推遷夢中鸕鷀亦大樂隨意
飲啄真飛仙先生捫腹一莞然此日何功食萬錢

天門引

秦王深居不得近從破衡成欲誰信白頭遊客困咸陽
憔悴黃金百斤盡海中仙人黃鸝舉大笑人間爭腐鼠

丈夫何意作蘇秦六印才堪詫兒女古來多為虛名老
不見阿房淨如掃千年虎豹守天門一日牛羊卧秋草

秋風怨

碧瓦高梧響疎雨坐倚薰籠時獨語守宮一着死生休
狗走雞飛莫為女雲間簫鼓夜厭厭禁漏誰將海水添
一春門外羊車過又見秋風拂翠簾總把丹青怨延壽
不知猶有竹枝鹽

隋故宮行

渭川楊柳先得春二月鶯啼百囀新長春宮中千樹錦
暖日晴雲思煞人君王半醉唱吳歌絳仙起舞噴翠蛾
吳兒謾說曾行樂三十六宮能幾多千秋萬古金銀闕
海沒三山一毫髮繁華夢覺人不知留得寒蟬泣秋月

望歸吟

塞雲一抹平如截塞草離離卧榆葉長城窟深戰骨寒
萬古牛羊飲冤血少年錦帶佩吳鈞獨騎足馬覓封侯
去時只道從軍樂不道關山空白頭北風吹沙雜飛雪

弓絃有聲凍欲折
寒夜昨夜洛陽來
腸斷空閨搗秋月
年年歲歲望還家
此日歸期轉未涯
誰與南州問消息
幾時重拜李輕車

九月七日夢中作詩續以末後一句

桃花紅深李花白
昨日成團今日成
楊柳青旗洛陽陌
君背握君手朝鐘暮
鼓無了期世事于人
竟何有青青鏡中髮
忽忽成白首六國印
何如負郭一頃田
千載名不及即時一盃酒

世宗御書田不伐望月婆羅門引先得楚字韻

瑤光樓前按歌舞桂樹秋香月三五白頭誰解記開元
四海歡聲沸簫鼓兩都秋色皆喬木三月阿房已焦土
天上亦有別離情可是田郎心獨苦承平舊物霓裳譜
寶氣暉暉映千古銀橋望極竟不歸滅沒燕鴻下平楚

贈別孫德謙

津橋垂楊雪花白挽斷春衫苦留客西湖一雨春意濃
絕似銅駝洛陽陌湖亭轆轤醉卧春風到手金杯不放空

鵲山一帶傷心碧羨殺孫郎馬首東

王右丞雪齋捕魚圖

江雲滉滉陰晴半沙雪離離點江岸畫中不信有天機
細向樹林枯處看漁浦移家魄未能扁舟蕭散亦何曾
白頭歲月黃塵底笑殺高人王右丞

過劉子中新居

鄆州城隅兩茅屋市聲喧喧自幽獨春風吹盡山杏花
只有青青一叢竹先生愛畫如惜玉練鵲翔鸞餘百軸

大兒跟蹤挾書歸土銓疎烟纔一粥微官枉負半生閒
也着區區簿領間何時却與溪南老紫蓋山前共往還

湘夫人詠

木蘭芙蓉滿芳洲白雲飛來北渚遊千秋萬歲帝鄉遠
雲來雲去空悠悠秋風秋月沅江渡波上寒煙引輕素
九疑山高猿夜啼竹枝無語墮殘露

覓神霄道士古銅爵

雷章著土紛朱碧秋菌春蒲人不識若非儀狄墓中來

應自杜康祠下得古人我得酒之傳摸索飲器流饑涎
苟非其物吾何取他日酬君九府錢

贈休糧張練師

金沙霧散風雨疾點點黃金鑄秋橘中林宴坐人不知
野鹿啣花蜂課蜜富兒盤餌羅羶葷擾擾飛蠅復聚蚊
見說西山好薇蕨一枝青竹願隨君

高門闕

高門闕頭霜樹老細路千山萬山繞亂餘村落不見人

霰雪霏霏暗清曉莘川有里如掌平閒田滿眼人得耕
山中樹藝亦不惡誰遣多田知姓名許李申楊竟何得
只今惟有石灘聲

歸舟怨

渡頭楊柳青復青閨中少婦動離情只從問得狂夫處
夜夜夢到洛陽城城南吹櫓聲北雁鳴嚶嚶江流望不
極相思春草生

春日

里社春盤巧欲爭裁紅暈碧助春情忽驚此日仍為客
却想當年似隔生貧裏醯鹽憐節物亂來歌吹失歡聲
南舟剩有還鄉伴戎馬何時道路清

野菊座主閑閑公命作

柴桑人去已千年細菊斑斑也自圓共愛鮮明照秋色
爭教狼籍卧疎煙荒畦斷壠新霜後瘦蝶寒蟹晚景前
只恐春叢笑遲暮題詩端為發幽妍

葉縣雨中

春旱連延入麥秋今朝一雨散千憂龍公有力迴枯槁
客子何心歎滯留多稼即看連楚澤歸雲應亦到崧丘
兵塵浩蕩乾坤滿未厭明河拂地流

留別仲澤

避俗無機日見侵推貧不去巧相尋半生與世未嘗合
前日入山惟不深綠水紅蓮慚大府清泉白石識初心
相思命駕非君事能寄詩來或賞音

寄楊飛卿

客夢悠悠信轉蓬竹牀高卧動晨鐘西風白髮三千丈
故國青山一萬重沙水有情留過雁乾坤多事泣秋蟲
三間老屋知何處慚愧雲間陸士龍

灑亭同麻知幾賦

零落樓遲復此遊一樽聊得散羈愁天圍平野莽無際
水遠孤城間不流柳意漸迴淮浦煖雁聲仍帶塞門秋
登高望遠令人起欲買煙波無釣舟

五月十一日樗軒老忌辰追懷

遺後交情老更傷每逢哀日倍難忘神光何處埋泉壤
落月無言滿屋梁祕閣圖書疑外府謝家蘭玉記諸郎
靈均謾倚騷經在宗國河山半夕陽

寄劉繼先

清霜茅屋耿無眠坐憶分攜一慨然楚客登臨動歸興
謝公哀樂感中年淒涼古驛人煙外迤邐荒山雪意邊
千樹春風水楊柳待君同繫晉溪船

惠崇蘆雁

江湖牢落太愁人同是天涯萬里身不似畫屏金孔雀
離離花影淡生春

早起

北舍南隣獨樂聲袂衣晨起覺秋清豆田待熟朝朝雨
喚殺雙鳩不肯晴

納涼張氏庄

小橋深竹午風便一道垂楊帶亂蟬山下行人遮日去
却從茅屋問瓜田

梁縣道中

青山簇簇樹重重人在春雲浩蕩中也是杏花無意況
一枝臨水卧殘紅

長壽山居元夕

微茫燈火共荒村黃葉漫山雪擁門三十九年何限事
只留孤影伴黃昏

夢中作

春泥滑滑滿春山慚愧幽禽喚客還安得便乘雙翼去

綠陰清晝伴君閒

濟南雜詩

砍來官樹午陰輕湖畔遊人怕晚晴一夜靈泉菴上宿

四山風露覺秋生

寄史同年

情話通宵慰別離殷勤釀酒趁花期沁南只道梅花早
猶較歸程十日遲

為衍聖孔公題張公佐湘江春早圖

黃陵祠下雨如繩老筆題詩想舊曾今日圖間見晴景
依然愁絕夜船燈

發南樓度雁門關

雞鳴未動發南樓澗水隨人向北流欲望讀書山遠近
雁門關上懶回頭

稜嶒石磴倚高梯穹谷無人綠樹齊總爲古來征戍苦
宿雲常傍塞垣低

岳山道中

野禾成穗石田黃山木無風雨氣涼流水平岡儘堪畫
數家村落更斜陽

雪㟁鳴鶗

離離殘雪點荒叢更着幽禽慘淡中笑殺畫簾雙燕子
秋千紅索海棠風

風柳鳴蟬

輕明雙翼曉風前一曲哀箏續斷絃移向別枝誰畫得
只留殘響客愁邊

石倉歷代詩選卷二百三十一

欽定四庫全書

石倉歷代詩選卷二百三十二

明 曹學佺 編

元詩二

陳孚

出門別親友

停君漢水浮鷗之翠杓聽我嶧山栖鸞之綠桐男兒拂
衣出門去龍泉三尺光如虹君不見磻溪鶴髮釣魚者

偶擲漁竿來牧野白旄麾開炮烙煙桓圭朱芾侯青社
又不見南陽卧龍人不識一朝佐漢坐狠石羽扇輕搖
蛇鳥驚火精焰焰天西極旗亭四月柳如藍紫騶嘶風
黃金驂豈無叩牛歌亦有捫蟲談天生嶢巒峩骨萬
萊槁死誰能甘我欲登泰山扶筇欵天闕東溟若木如
可攀手弄日月青雲間我欲渡黃河赤腳凌秋波水仙
樓閣銀嵯峨徑叱海若笞蛟鼉停君翠杓聽我綠桐真
人開天六合同風騶虞鳳皇飛舞鎬宮有線五色獻于

重瞳補舜衣裳山龍華蟲虎豹九闢兮不可以達吾則
脫冠歸來兮丹丘之青峰長揖二三子目送西征鴻

黃河謠

長淮綠如苔飛下桐栢山黃河忽西來亂瀉長淮間馮
夷鼓狂浪崕嶧雪崖墮驚起無支祈腥涎沃鐵鎣兩雄
鬪不死大聲吼乾坤震撼山嶽骨磨蕩日月魂黃河無
停時淮水流不息東風吹海波萬里湧秋色秋色不可
掃青煙映蘆花白鳥亦四五長鳴下汀沙黃靈奠四瀆

各剖盤古髓千載今合流神明胡乃爾漁翁一鬢霜扁舟依古樹陽浦欲叩之翩然凌波去

夜泊六和塔下

碧天如幕垂露濕星磊磊漁燈射寒沙萬點亂光彩壯哉大江水浩浩東北匯西風捲潮來鐵馬擁萬鎧木落煙嶂橫鷗夷魄安在卧聞黃帽郎一曲歌欸乃扣舷起和之逸興渺雲海

淮安州

孤帆下江北千里西風輕泊舟公路浦始見南昌亭青
天下白露亂葉淒以聲汀洲結海色冉冉孤月生殘鴉
感興廢斷腸悲飄零安得攜美酒臺上呼劉伶百年一
箕踞六合皆螟蛉

洪贊井深有六七十丈者

洪贊山宕堯勢如舞雙鳳大井千尺深窈然見空洞埶
人驅十牛汲以五石甕滴水如寶珠一甕十室共我生
海東頭漣漪飽清弄嘗聞惠山泉萬里驛騎送急呼若

椀來試作清淨供

過鏡湖

鏡湖八百里水光如鏡明偶尋古寺坐便有清風生天
闊雁一黑山空猿數聲老僧作茗供笑下孤舟輕

越上早行

青鞋三十里草露惹衣斑潮落曹娥渡雲昏夏禹山秋
聲黃葉裏天影白鷗間欲問錢塘路漁家半掩關

吳松江長橋

松江波萬項橋倚碧雲端白鳥穿屏小青天落鏡寒夕
陽明佛塔秋色老漁竿無限凭欄意何時此掛冠

瓜州

煙際繫孤舟蘆花滿棹秋江空雙雁落天闊一星流急
鼓西津渡殘燈北固樓商人茅店下沽醞詰揚州

真州

淮海三千里天開錦繡鄉煙濃楊柳重風淡芝荷香翠
戶妝營妓紅橋稅海商黃昏燈火鬧塵麝撲衣裳

邳州

沂水碧潺潺汀沙白鳥間林邊劄子國煙際嶧陽山茅屋秋先破荒城夜不關烹魚呼濁酒一笑夕陽間

夜泊濟河

十日淮沂上今朝渡濟河龜蒙秋燒澗鳬嶧夕陽多古寺雲籠塔長亭柳映波魯邦無孔子何處聽絃歌

黃石公廟

穀城黃石廟古木白雲深黃石有存沒素書無古今老

聃三世夢孺子一生心日落祠門掩殘鴉又滿林

獻州

萬里天東北西風獨杖藜雁聲秋帶魏樹色晚浮齊野
濶青煙淡天空白日低人家在何處隱隱夜狐啼

煙寺晚鐘

山深不見寺藤陰鏘脩竹忽聞疎鐘聲白雲滿空谷老
僧汲水返松露墮衣綠鐘殘寺門掩山鳥自爭宿

燕子樓

長相思久別離東風不暖殘燕支乳鴉因柔鸞悲櫻桃
泣紅膩靡蕪凋綠滋牙床琥珀枕夢君君不知

吳宮子夜歌

紫貝樓闕鬱金香暖雲七十紅鴛鴦玉蟬笑擁霞綃裳
星河不墮宮點長綠搏灑灑麟髓泣露重花寒秋不濕
歎歌一聲驚怒濤海鯨夾陸如人立誰知淺蟬蛾半掃
中有疎螢滿吳沼越兵曉跨西風來碧波一夜芙蓉老

三高祠

君不見洛陽記室雙鬢皤不忍荆棘埋銅駝西風忽念
鱸魚鱠歸來江上眠秋波又不見甫里先生心更苦河
朔生靈半黃土夕陽羲笠二頃田口誦羲黃思太古二
君隱淪豈得已一生不及鴟夷子吳宮鹿走越山高脫
纓徑濯滄浪水丈夫此身繫乾坤豈甘便老菰蒲根古
今得失一卮酒我欲起酌汀鷗魂

銅雀臺

古臺百尺生野蒿誰其築此當塗高上有三千金步搖

滿陵寒柏圍鳳綃西飛燕子東伯勞塵間泉下路迢迢
龍帳銀筆紫檀槽怨入漳河翻夜濤人生過眼草上露
白骨何由見歌舞獨不念漢家長陵一杯土玉押珠襦
鎖秋雨

景州

聊攝之東一千里昔為青社太公履只今但有無棣溝
榆葉亂擁沙水流車行半夜草露濕路傍土堠如人立
丁當鐸搖馬不驚黑天倒垂參昴星吾生百年浪自苦

悲笳一聲殘月吐

雄州

燕南垂趙北際昔年魏城鐵可礪城上烽火明如彗只
今殘堞黃雲臚老榆半枯懸薜荔市翁叱馬聲嗟嘵叩
以瓦橋潛出涕英雄虎鬪空萬世北風吹沙秋鶴唳

盧溝曉月

長橋彎彎飲海鯨河水不濺冰峰嶮遠雞數聲燈火杳
殘蟾猶映長庚橫道上征車鐸聲急霜花如錢馬鬣濕

忽驚沙際金影搖白鷗飛下黃蘆立

玉泉垂虹

雪波碧湧千崖高落花點點浮寒瑤日斜忽有五彩氣
飛上太空橫作橋古寺鐘殘塔鈴語回首前村猶急雨
輕綃欲剪一幅秋更逐西風過南浦

金臺夕照

巍坡十二青雲梯老樹偃伏猶穹圭長裾已翳星辰去
殘陽空掛盧溝西召南六百年宗社一日黃金重天下

精纏寶氣夜不收又見殘霞明朔野

鄂渚晚眺

黃鶴樓前木葉黃白雲飛盡雁茫茫櫓聲搖月歸巫峽
燈影隨潮過漢陽庾令有塵汙簡冊彌生無土蓋文章
闌干只有當年柳留與行人記武昌

馬平謁柳侯廟

詞華一代日星尊茶臼村童儼尚存山左竟令驅厲鬼
庭中已悔乞天孫善和里隔生前淚文惠祠封死後魂

欲奠荔枝不知處滿池榕葉擁朱門

史館暮春有感呈承旨野莊公

滿籩詩章未必傳
微官束縛正堪憐
靡蕪滿院已三月
苜蓿堆盤無一錢
洛邑家書黃犬上
巴山舊業子規前
夜聽兒女青燈話似覺朱顏老去年

與李子構讀開元天寶遺事

四十乾坤拱紫宸
東風只屬倚闌人
玉鳧波煙驪山曉
金犢烟橫繡嶺春
七夕有釵留羽客
千秋無鏡泣孤臣

紅塵一騎君休笑中有漁陽萬騎塵

鳳凰山

浮屠百尺聳亭亭落日鴉啼野蔓青故國盡銷熊虎氣
荒山空帶鳳凰形金根輦路迎禪駕玉樹歌臺語梵鈴
惟有錢塘江上月年年隨雁過寒汀

平江

滄浪亭下望姑蘇千尺飛橋接太湖故里空傳吳稻蟹
寒祠猶記晉蓴鱸芙蓉夜月開天鏡楊柳春風擁畫圖

為問館娃歌舞處鶯花還似昔年無

常州

毗陵城西漁火紅家家夜香燒碧空荻花離離季子塚
楓葉索索春申宮雞聲人語三十里大船小船浪相倚
鷗鷺一雙飛上天人在舵樓弄秋水

京口

昔日巍樓倚北門朱欄空銷碧苔痕金山風起水聲急
鐵甕雨來雲氣昏仙仗無靈花已槁霸圖遺恨石猶存

漁舟只在滄浪上一笛斜陽斷客魂

金山寺

萬頃天光俯欲吞壺中別有小乾坤雲移塔影橫江口
潮送鐘聲過海門僧榻夜隨蛟室湧佛燈秋隔蜃樓昏
年年只有中泠水不受人間浣汙痕

湖上感舊

昔日珠樓擁翠鈿女牆猶在草芊芊東風第六橋邊柳
不見黃鸝見杜鵑

嘉興

簫鼓聲中十萬家
垂楊淺映綠窗紗
象梳兩兩蟬鬟女
笑擁紅橋買藕花

高郵軍

吳通上國已千秋
日日長淮送客舟
一卷麟經孤燭下
夜深無語過邗溝

文星已逐水西沈
對客揮毫只此心
今夜更遊臺上月
不堪重照古藤陰

漂母塚

英雄未遇亦堪羞一飯區區不自謀莫笑千金酬漂母
漢家更有韻羹侯

圯橋

履印青苔跡未消一編書佐聖明朝祖龍流毒如洪水
濟盡生靈是此橋

古宿遷

月落孤鳴野草黃雁飛無數水茫茫數星鬼火寒沙上

知是何年舊戰場

范增墓

七十衰翁兩鬓霜
西來一笑火咸陽
平生奇計無他事
只勸鴻門殺漢王

沛縣歌風臺

沛公一曲大風歌
誰識尊前感慨多
拔木揚沙灘水上
大風中有漢山河

原廟衣冠久已灰
斷碑無首卧蒼苔
至今風起雲飛夜

猶想帝魂思沛來

呂仙翁廟

山形夭矯蒼精劒日氣瞳曨紫磨丹度盡世人人不識
午煙濃處是邯鄲

磁州

漳水東流繞碧灣風蒲獵獵夕陽間帽簷不奈黃塵滿
賴有磁州數點山

靈川縣觀桂林山

碧波洗出萬雲鬟堆滿殘陽紫翠間三世眼根脩得到

天教盡見桂林山

自永福縣過八十里山

下山如井上如梯亂石嵯峨割馬蹄正是行人行不得
鷓鴣休在隔林啼

思明州

風吹蠻雨滴芭蕉杵臼敲殘夜寂寥留得孤燈床榻畔
思明州裏過元宵

刺竹叢叢苦筍生山禽無數不知名元宵已似春深後

龍眼花開蛤蚧鳴

迴衡山縣望南嶽呈御史完顏脩撰龐夷簡

雨洗松陰綠未乾今朝山下倚欄干一天露重月華濕

七十二峯生翠寒

其二

漠漠寒汀浮芰荷沈沈幽壑舞蛟鼉祝融峰頂定有雨

一夜瀟湘煙浪多

鵠窠道中

車外塵沙十丈黃
車中客子黑貂裳
拂雲堆上閒回首
無數征鴻帶夕陽

石倉歷代詩選卷二百三十二

欽定四庫全書

石倉歷代詩選卷二百三十三

明 曹學佺 編

元詩三

劉因

燕平學儂臺

碣石際海隅西南奄全燕中有學儂臺燕平欲昇天
燕平骨已朽遺臺猶相傳雖復生青松歲久摧為烟極目

望海波不見三山巔
三山巨鼈簪山人蟻蟲然使無不足
論信有亦可憐大塊與洪爐
金石難久堅天地會有盡
何物為神僊空山無笙鶴落日下
飢鳶今古非一臺浩歎秋風前

黃金臺

燕山不改色易水無新聲誰知數尺臺中有萬古情區區
後世人猶愛黃金名黃金亦何物能為賢重輕德輝照九
仞鳳鳥才一鳴伊誰腐鼠棄坐見飢鳶爭周道日

東漸二老皆西行。養民以致賢。王業自此成。黃金與山平。不挾兵。縱橫落目下。荒臺山水有餘清。

張燕公讀書堂

陰壁下寒泉。陽崖隱深洞。想像張幽州。當年此絃誦。遐情納方寸。瀨露驚宵夢。既有真積功。豈無致時用。不然起絕學。猶當垂後統。濟濟唐開元。儒臣相伯仲。文雖數燕許。名不並姚宋。遂令百世下。烟霞抱餘痛。尋幽縱步貪懷古。清歌送緬思。白鹿翁眼中見連棟。茲山有道氣。

會遇或天縱聊以永今朝白雲不可種

種松

萬牛來丘山大廈高崔嵬當年雖辛苦遺此千歲材手持百松子與之俱傾頽殷勤囑造物為護荒山隈今來見豪末喜溢蒼烟堆十年望根立百年排風雷自此千萬歲再見明堂開東家十年計戢戢千頭栽豈不早有望求此良悠哉

和詠二疎

委質義有歸乞骸老當去豈無戀闕心難忘首丘趣在
禮此常典末世成高舉漢廷多公卿圖畫雨疎傳至今
秦中吟感歎東門路目覩霍將軍功高擅恩顧一朝產
危機千載損英譽仲翁幸及年安肯嬰世務聖主賜臣
金奉養行厥素造物佚我老餘齡今自悟田園付子孫
身後復無慮神交冥漠中樂境尚森著

和詠三良

江山錯如繡死與敝屣遺安用親愛人共此丘土微秦

人多尚氣宜無兒女私乃亦如當途區區戀衣帷因傷
秦政惡三嘆王綱虧殉人已可誅而况收良歸坐令百
夫特含恨與世違祇應墓前柏直幹千年希遙知作俑
戒為感詩人悲重吟黃鳥章淚下霑人衣

燕歌行

薊門來悲風易水生寒波雲物何改色遊子倡燕歌燕
歌在何處盤鬱西山阿武陽燕下都歲晚獨經過青丘
遙相連風雨隣嵯峨七十齊郡邑百二泰山河學術有

管樂道義無丘軻蚩蚩魚肉民誰與休干戈

遊雲水庵

乘春奮幽潛觀化登丘山哀淙間遠壑息駕思雲關墾
石密松桂結屋深茅菅生烟紛漠漠激流散潺潺山石
浮青色澗木榮歡顏覽物有真意撫節驚循環悠然千
載情儼若盤石間眷焉欲晤語古人何當還

泛舟西溪

萬山倒滄浪一葉凌嵯峨嵯峨為飛舞翠影如婆娑輕

陰散雨足淨綠生圓波人間碧海勾老眼青銅磨風雲
幾千古辨此雨中簑溪南有幽人鼓棹前山阿烟深渺
無處月色浮松蘿

和九日閒居

深居忘晦朔好事惟侯生偶因菊酒至喜聞佳節名香
醪泛寥廓醉境還空明青天凜危帽浩蕩空秋聲緬懷
長沙孫生氣流千齡乾坤一東籬南山久亦傾回看聲
利徒僅比秋花榮撫時感遺事可見萬古情

孤雲

孤雲生幾時冉冉何所適豈無崑華高路遠嗟獨力徘徊中央明月為顏色下有幽棲士歲晏倚青壁朝飲下泉暮拂松間石相對澹忘情倒影寒潭碧

遊源泉

叢祠鬱蒼翠萬木藏清幽冷然石上足不逐蒼波流長風索我御欲舉仍遲留白雲何山來相對亦悠悠

玉溪精廬

居然山四顏危檻俯晴春
川氣生不極翠潤流衣巾
林陰起薄暮酒色生微醺
歌聲忽落谷驚歸欲飛雲

白蓮

冰華謝風塵素質更深靜灑露凝幽香皎月散清景誰
竝絕世姿淡然水中影青房正苦心秋風逼涼冷安得
同愛人共此良夜永

除夕

百歲三分一初心謾慨然空囊難避節青鏡不留年靜

閱無窮世間觀已定天履端思後月四鼓未成眠

登武陽

朝遊樊子館晚上武陽城潮接滄溟近山從碣石生斷
虹雲淡日返照雨疎明且莫悲吟發樵歌已愴情

書堂旅夜

淹留已半載去住意何深月色一千里愁人方寸心秋
聲助搖落生理數浮沈松桂清霜滿哀歌動故林

秋望

病骨秋偏早單衣露亦寒微雲生水際暝色起林端地
迥月遲下樓高山易殘輕風吹欲舉醉袖拂層巒

重渡滹沱

遙臨滹水岸回望土門關秋色巉巖上川形拱抱間分
彊人自隘設險地誰慳欲問前朝渡江鷗故意閒

月下獨酌

佳月靜可飲一天明水寒餘光泛不極徘徊尊俎間但
覺涼露下不知清夜闌醉眠吾有興君當下西山

漱霞巖

丹霞凌日觀餘津浩難收蒼涼蘇病骨醉暈浮巖幽萬象春意融頽然得歸休擾擾路傍子無勞歌遠遊

經古城

我行常山尾高城下吾前按轡覽形勢依依見全燕易水開前襟飛狐連右肩遙想豪傑塲撫已增慨然薪人過我傍一笑如相憐指城前問余考古今幾年沈思未及答行歌入蒼烟

飛泉亭

嶠崿多露草秋空挹飛泉胸中玉芙蓉滿意清冷淵火
食困煩鬱下顧心茫然何當分一杯灑落齊州烟

六華峰

入山採靈芝濯足東澗濱白雲不可招丹霞有餘津長
風忽絕頂悠悠哉凌翠氣舉手問浮世此子何今人

秋日

山人久不出今朝天氣清秋光濃可掬草色翠相迎捫

蟲暮山碧敲門新筍生歸來重回首佳處未忘情

蜀葵

蜀葵落秋子已能成小叢如何同枝花隱隱纔含紅一氣有先後萬物誰窮通伊誰歎遲暮來此樽酒同

重遊北溪

蒼黃淡野色草樹含清暉林居隱葱蒨晴嵐散霏微歸雲有真意鳴禽發天機勝處必深會輕觴豈虛揮

寒夜

肝膽了無寐襟懷誰與同更長頭可白燭暗火逾紅碗
滴水生癢星流氣吐虹林鴉先我起鳴噪竟何功

送成從事

易水河梁夢回頭已十春相逢驚我老送別向君頻求
贈攀前例將詩認故人故山松菊在歸去未全貧

寄子東太守

一夕西山客頻年往事非黃塵驚我老青眼似君稀別
浦秋容靜離亭草色微殷勤重寄謝後會不應違

哀郭勸農

才命不相偶如君良可嗟半生在人下一死更天涯三歲同君里前年過我家相望已塵迹零落舊烟霞

桃源行

六王埽地阿房起桃源與秦分一水小國寡民君所憐賦役多慙負天子天家正朔不得知手種桃枝辨四時遺風百世尚不泯俗無君長人熙熙漁舟載入人間世却悔桃花露踪跡曾聞父老說秦強不信而今解亡國

畫圖曾識武陵溪飛鴉滅沒天之西但恨于今又千載
不聞再有漁人迷

明妃曲

初聞丹青寫明眸明妃私喜六宮羞再聞北使選絕色
六宮無慮明妃愁妾身只有愁可必萬里今從漢宮出
悔不別君未識時免使君心憐王質君心有愛在遠方
寧恨妾身在椒房飛鴻不解琵琶語祇帶離愁歸故鄉

續十二辰詩

飢鳶嚇鼠驚不起牛背高眠有如此江山虎踞千里來
才辨荊州兔穴爾魚龍人海浩無涯幻境等是杯中蛇
馬耳秋風去無跡羊腸蜀道早還家何必高門沐猴舞
豚穿雞栖皆樂土柴門狗吠報隣翁約買神猪謝風雨

清江曲

清江芙蓉王可憐
岸边花汀草自年年來
鴻去燕不相識
曉露無聲香暗泣
江樓縹渺如花人望欲見之不可親
無限晴雲錦樹新
愁眉只向遙山顰
遙山一千里長在

愁眉底鏡裏繁華過眼空遙山鑄向青銅中遙山遙復
遙芙蓉霜早凋明日愁眉為誰掃月白江清天未曉

登旌州城樓

古戍寒雲接渺茫故鄉遊子動悲涼江山自古有佳客
煙雨為誰留太行野色分將愁外綠物華呈出夜來霜
海門何處秋聲急極目滄波空夕陽

新晴

小雨新晴草色蘇家園生生理未全疎理盆欲學魚千里

試地先栽芋一區時與老農談稼穡不因閒客罷琴書
乾坤妙處無人會卧看牆陰雀哺雛

夢鎮州潭園

昨夜分明是鎮州溪潭先子舊曾遊魂來千里太行碧
夢覺滿庭烟水秋古澹園林無限意登臨今昔幾人愁
當年猿鶴應無恙爭信書郎謾白頭

自適

久矣黃塵絕往還惟餘風月到柴關清霜烈日從渠畏

野鶴孤雲迥自閒天上銀河連碧落人間秋色對南山
高吟大醉堯天老只有豪誇不易刪

老崖

老崖陰陰雲樹清柴門寂寂綠苔生空明萬象隨月出
水墨四山因雨成千古心期破茅屋百年人事短燈檠
道人不是悲秋客聽盡疎蛩夜夜聲

夏日即事

迂疎爭笑近清狂多病筋骸可預防久乏園蔬因種藥

不留窓紙為抄方閒從鳥雀分晴畫靜與鑿蛩共晚涼
莫道幽人好標致北窓從古有羲皇

夜雨

夢覺呼童問幾更未鶯先作案頭鳴山深六月有秋意
夜靜滿城惟雨聲四海虛名此身愧百年浮世寸心驚
誰教簷溜如愁思欲斷還連直到明

宋徽宗賜周準人馬圖

筆底金鞍自蕭爽誰云不博降王長汴梁門外若雲屯

畫本相看應自賞十載青衣夢故都經營慘淡欲何如
只除金粟呼風裏曾見昭陵鐵騎趨

宋高宗題李唐秋江圖

秋江吞天雲拍水濤借西風挾不起斷雲分雨入江村
回首龍沙幾千里澹菴老筆搖江聲髡髯阿唐慘淡情
千秋萬古青山恨不見歸舟一葉橫

明河秋夕圖

明河澹澹縱復橫行雲悠悠度疎星鳳媒不來鳥夜驚

瓊枝玉珮遲所託畫中隱隱聞機聲秋來秋去今猶古
此恨不隨天宇青崑崙西頭風浪平辨我一舟蓮葉輕
浩歌中流擊明月九原喚起嚴君平人間此水何時清

過徐橋

老峯石闌曙色分只疑身是入山雲十年徃事不回顧
百里清泉如可聞人世誰教有長路坤靈終亦化塵氛
興亡更遣陂塘在幾欲悲歌酒正醺

秋郊

行過青林徑欲還誰家茅屋在林間雲初湧出半含雨
風漸吹開微露山世味嘗來知憇貴韶華老盡覺秋閒
天教勝境為詩敵未許幽人穩閉關

反垂柳短吟

偃蹇高松雪漫飛最憐憔悴綠楊枝青絲曾識鶯聲軟
黃葉俄驚馬足遲有分只偷春色早無心要結歲寒知
不應再得東風力更與行人管別離

明遠堂賞蓮醉賦

畫堂香遠凝清秋宛如坐我南湖舟主人愛客情亦重
謂我無語花應羞荷香繞筆詩自健滿紙已覺清江流
平生老氣回萬牛為君傾倒元龍樓舉杯喚起謝安石
我醉不省蒼生憂

遂城道中

鐵城秋色接西垣遠客還鄉易斷魂霸業可憐燕太子
戰樓誰弔漢公孫冷烟衰草千家塚流水斜陽一點村
慰眼西風猶有物太行依舊壓中原

右螺

碧筍和露捲晴霞
錦浪隨鯨落晚沙
風趁歌聲來弄葉
酒知人意要浮花
胸中壁立三峰玉
醉裏神遊太一家
明日清霜看紅翠
人生容易鬢成華

遠山筆架得痕字

何物能支筆萬鈞
按頭依約遠山痕
燈橫烟影隱猶見
秋入霜毫勢欲吞
掌上三峰看太華
人間一髮是中原
秘書未免從高閣
不向林泉怨少恩

秋蓮空子

瘦影亭亭不自容
淡淡香杳杳欲誰通
不堪翠減紅銷際
更在清江冷月中
擬欲青房全晚節
那知白露已秋風
盛衰老眼依然在
莫放扁舟酒易空

村居雜詩

隣翁走相報
隔窓呼我起
數日不見山
今朝翠如洗

白樂天琵琶行圖

翼馬嘶寒風
逐臣念鄉國
江浦聞哀絃
長吟望南北

盆池

有月漸秋影無風生小波澄心一相對今夜興如何

史處士挽章

平昔未相識幾回曾寄聲今朝聞謝世便有故人情

臘盡

小雪初晴臘盡時無窮梅柳忽開遲人間不覺春來早
只有吾家布被知

抱陽南軒

下瞰懸崖老木稠輕風毛髮散涼秋蒼苔白石夢初覺
霽月疎雲山欲流

山行

西崦人家竹映溪山深雨暗到來遲行窮谷口水才見
流盡巖花春不知

銅雀瓦硯

諸侯負漢已堪憐直筆何為亦魏編却愛曹瞞臺上瓦
至今猶屬建安年

春景

病餘身世淡無情但覺春來暖漸生送客出門花已謝
問知前日是清明

新居

雪擁閒門儘未除小齋人道似禪居年來日曆無多事
只有求方與借書

山家

馬蹄踏水亂明霞醉袖迎風受落花怪見溪童出門望

鶲聲先我到山家

溪上

坐久蒼苔如見侵
携筇隨水就輕陰
松風自厭灘聲小
雲影旋移山色深

春盡

草閣垂簾晝掩扉
客來知我出門稀
鳥鳴淡與人相對
花落方知春已歸

葵園

路傍雙石立崔嵬曾見遊人幾往來想得當年全盛日
好山橫處盡樓臺

宋理宗南樓風月橫披二首

試聽陰山勑勒歌朔風悲壯動山河南樓烟月無多景
緩步微吟奈爾何

物理興衰不可常每從氣韻見文章誰知萬古中天月
只辨南樓一夜涼

探春

遺邊殘雪護頽牆
牆外柔絲露淺黃
春色雖微已堪惜
輕寒休近柳梢傍

宿洪崖觀

雲山不受壯心降
無限西風撼客窗
應是夜深知月出
却收風雨入清江

中山道中

不許花開一日先
征鞍過處及芳妍
只應春暖山翁出
野店溪桃悵望邊

故園寒食

一坯新土寄餘哀
故老相邀信步來
行到水西村盡處
桃花無數未全開

霜落

霜落清江夜
秋覺來明月滿江
樓酒醒人散夜將半
花上鳥啼空自愁

石倉歷代詩選卷二百三十三

欽定四庫全書

集部

石倉歷代詩選卷二百三十六至四百三十六

詳校官庶吉士臣范逢恩

侍讀臣孫球覆勘

總校官進士臣朱鈴

校對官中書臣葉蘭

謄錄監生臣張豫

欽定四庫全書

石倉歷代詩選卷一百三十四

明 曹學佺 編

元詩四

許衡

遊黃華

我生愛林泉俗事常鞅掌十年苦煩劇一念愈傾仰峰
巒看畫圖雲烟入想像久成心上癖欲忍不可強賴有

平生歡恒以善相長携我遊黃華一洗塵慮與行行歎
奇絕舉目皆勝賞鏡臺聳百嶮瀑布落千丈石苔積重
痕溪風動幽響使我躁競息居然心志廣恍如夢中身
翹翔千古上回首聲利場誰應脫塵網

訓子

干戈恣爛熳無人救時屯中原竟失鹿滄海變飛塵我
身揣何能僅存亂後身遺芳藉祖德陰理出先人俯仰
意油然此樂誰與倫家無儋石儲心有天地春况對汝

二子豈復知吾貧願汝學古人古道淳且真勿憚攻苦
辛當思過乃親身在畎畝間不忘君與民功名戒乘捷
以此書諸紳

有感

嬌兒未成人病苦不肯退憂傷動中懷慘慘心欲碎老
妻情更惡中夜泣相對何如早還歸山陽墳隴在平生
所願心展轉不得遂十年誤同遊回首只多愧病連肝
肺深愁覺妻子累悠悠故鄉情滴滴眼中淚

其二

歸興不可遏歸期待何時悠悠故鄉心一夕千里馳西
風動霄漢慘慘令人悲況我多病身天涯久棲遲交游
義難忘豈忍輕別離重念丘隴遠嬌兒正愚癡因循死
異邑後世將安遺所願經營日及此未全衰樹桑牆以
下開畦水之渭既得舒困難且可為磁基

送竇清淑

初來識君面此行見君心匡時有長策慮遠憂且深俗

親取近效雅意入幽沈人生貴所依所依貴知音知音
得長布身將比黃金我本貧賤士多思委相尋未能辦
一飯胡為遠分襟征鴻出遠塞西風動疎林去去渺萬
里何年酒同斟含情望無極白雲障孤岑

別西山

大山如蹲龍小山如踞虎烟嵐鬱蒼翠遠互吞吐我
來蘇門居遨遊成樂土策杖望朝雲捲簾看暮雨佳意
豁塵腥勝槩入談麈使我鬱陶消不覺勞瘵愈生平鄙

吝心一洗出千古回首聲名人何殊坐囹圄遠役非素
懷况兼跋涉苦吟鞭裹春風遲遲如去魯芳菲二三月
追遊盛桃塢歸來願無違一樽相對舉

其二

所愛林慮山不處要路津茲焉幾千古絕彼朝市塵我
來成素交淡淡日益親形骸兩相忘誰主誰復賓充然
樂我飢怡然棲我神朝光連暮色佳意含餘春心境一
融會世味殊非真奕奕草木光熙熙禽鳥馴衆物欣有

托吾廬行亦新詩書詠而歸點也為何人

觀物

行路紛如縷間關權與數翻成拙者謀一往竟不悟我
始窺其端居寬尚盤桓盤桓非怯爾後事當無難

其二

萬物備吾身身貧道未貧觀時見物理主靜得天真心
與星辰夜情欣草木春自憐離亂後能作太平人

其三

事物形雖同中間勢各異推遷無寧期倏忽已易位智者識機微安焉處平易人生貴無私莫使聞見累

北門觀漲

雨水添新漲波湖沒舊痕人迷堤口路船上樹頭村歲事知前悞秋耕未可論誰憐徭役苦天亦恠深恩

憶賈君玉

賈君清介士吾輩鮮能羣守志王元伯甘貧范史雲銅臺書廢鑿讀東郡酒方醺何日尋先約青燈共夜分

不寐

秋宵初感慨展轉不成眠老况青燈外羈愁白髮邊蹉跎嗟往事安穩憶歸年却起開門望霜清月滿天

別友人

良朋不易得此去復誰羣別酒無勞勸濃愁已自醺
關花外鳥冷淡日邊雲莫唱陽關徹離愁刃心更聞

擬贈曹彥澤

益友重曹君標孤出世氛壯懷期遠術高誼薄層雲惡

亂求山隱親賢願德薰我生良有幸歲晚此同羣

喜秋晴

苦雨傷秋稼朝雲忽放晴碧空雲盡捲滄海日初升久客天涯興耕夫隴上情難豚并社酒處處是歡聲

趙氏南庄

曉起北窓涼清談戢羽觴入簾花氣重落地燕泥香夢裏青山小吟還白日長秋風載書籍相對築茅堂

登東城

步履上東城秋風晚更清亂雲隨日下荒草過堤平野
迥寬凝佇詩成促後生何當常似此慰我病中情

游北觀

扶杖古城荒飄然意可傷道宮烟鎖樹農舍雨頽牆捕
吏翻疑寇平人却笑狂長吁空仰首天際正蒼蒼

和吳行甫雨雪韻

青山偃蹇與世疎只將秀色供吾徒知君如我有山癖
深探遠討吾不如金燈峰山詩千首掛鏡臺前一杯酒

人間萬事盡浮雲故人曾為相思否雲邊鸞鳳玉鞭鳴
跋扈蹣跚疊蘭生天末碧雲凝遠思夕陽無語下西城

病中雜言二首

磊落青山萬仞高虛崖絕險駭猿猱從誰得上巖龕住
免我從來俗事勞曉日烟霞明澗壑霽天霏靄散林臯
休言只好寬疑佇滿地干戈學善逝

又

春來秋去客中情轉首光陰十歲經學苦煉成心下赤

愁多消却鬢邊青
眼前世事畱棋局
夢裏衣家山憶畫屏
何日歸同林下友
笑談書史復忘形

遊孫氏別墅

聞道孫家別業新
招呼諸子共尋春
紅翦瘦萬瓣花初動
黃染輕梢柳未匀
興況便為生意好
風光殊比畫圖真
何當對此常無事
慰我年來老病身

病中有感

十載天涯別故園
今年憔悴不堪論
病來與死傳消息

老去無家遺子孫里巷歡游頻入夢春城凝眺獨消魂
如何藉我知音力五畝歸耕沁北村

遊黃華宮

聞道黃華山水好茲來一覽氣增豪鏡臺對聳千峰起
瀑水驚噴萬仞高曉色雲烟生洞府霽天霏靄散林臯
憑誰早遂終焉計日日登臨不憚勞

學題武郎中桃溪歸隱圖

門外鞦韆擺翠屏烟籬漫雞犬亦閒閒更教爛熳花千樹

對着繁紅水一灣好景已憑摩詰畫他年重約長卿還
尋思此世人心別又愛功名又愛山

用行甫韻

皎鼈不肯脫淵深鳥雀還知宿茂林笑我羈孤成蹇蹇
于今衰老復駸駸愁多未易追前事病久猶當屈壯心
聞道西溪田可得安栖從此得追尋

中秋不見月繼寶先生韻

撥去塵機得暫閒秋蟾思比去年看誰知黯黯陰雲合

故作淒淒夜色寒好友不來誰酩酊詩人徒想自闌干
世間萬事渾難定付與無心却較安

晚步西溪

拉友西溪往步映溪邊佳景麗秋天日回林影蒼烟外
風轉灘聲白鳥前迅走雙輪機磨巧連安獨木小橋偏
老年活計尋幽隱湏擬為氓置一廛

答董瑞卿

何人豎起掌中堅檐穩推高與頃連涉世更誰如我拙

保身從昔慕君賢青山有約期終老白日無功閱舊編
慙負新詩酬未得祇容竭力効耕田

登天王臺

樓閣荆榛幾變更登臨祇見古人情當年勝迹無人問
依舊春風草又生

宿卓水

寒缸挑盡已殘更竹有清聲月自明一夜客窓眠不穩
却聽山犬吠柴荆

其二

水自清聲竹有風我來端欲豁塵蒙明朝杖履西城路
悵望家山翠靄中

大暑登東城

三丈危城日暮登炎威殊不霽憑陵何時太華高峰上
細嚼松陰六月冰

石倉歷代詩選卷二百三十四